


21

LETTRES PA-  
TENTES DV ROY  
portant Attribution de la Prouince  
de Perigord à sa Cour des Grands  
Iours de Poictiers.



A POICTIERS,  
Par ABRAHAM MOVNIN, Imprimeur  
Ordinaire de la Cour des Grands Iours.  
M. DC. XXXIIII.

---

*Avec Privilege du Roy.*





OVIS PAR LA  
GRACE DE DIEV  
ROY DE FRANCE  
ET DE NAVARRE:  
Anosamez & feaux  
les gens tenans no-  
stre Cour des Grands Iours establie à  
Poictiers, Salut: Par nos Lettres Pa-  
tentes en forme de Commission du  
deuxiesme Iuin dernier; Nous vous  
aurions Commis & deputez pour  
l'expedition des causes & matieres  
mentionnées en nos Lettres de decla-  
ration du vnzième Feburier aussi der-  
nier pour la tenuë & establissement  
desdits Grands Iours, & par nostre  
ditte Commission nous aurions limi-  
té le ressort de nostre ditte Cour en  
nos Prouinces de Poictou, Touraine,  
Anjou, le Mayne, Angoumois, haute

A ij

& basse Marche & pays en dependants , & d'autant que nous sommes bien informez qu'il y a en nostre pays de Perigord plusieurs procès Ciuils & Criminels de la nature de ceux pour la decision & iugement desquels nous auons estably nostre ditte Cour: Nous auons estimé tres à propos pour le bien & soulagement de nos subjets de nostre dit pays , de vous y donner la mesme autorité & iurisdiction qués susdittes Prouinces qui en sont voisines. A CES CAUSES en amplifiant nosdittes Lettres de Commissiõ, nous vous auons Commis & deputez & ordonnez, commettons deputons & ordonnons par ces presentes signées de nostre main, pour en nostre dit pays de Perigord , & és bailliages & Seneschaussées qui en dependent, congnoistre , expedier & terminer toutes les causes & procès, iuger & decider de toutes les matieres Ciuilles &

5  
Criminelles, selon & ainsi qu'il est plus particulièrement spécifié en nosdites Lettres du vnzième Feburier & suiuant leur forme & teneur, mesme pour congnoistre & iuger de toutes les causes & matieres Ciuilles & Criminelles, concernâts nos subjets de la Religion Pretendue Reformée, & dont la congnoissance peut appartenir à nos Chambres de l'Eedit, vous ayant de ce faire donné & donnons plain pouuoir autorité Commission & mandement special, & vous en auons attribué & attribuons toute Cour, iurisdiction & congnoissances par celledites presentes, nonobstant que nostre dit pays de Perigord ne soit compris en nosdites Lettres des vnzième Feburier & deuxiesme Iuin derniers & toutes autres choses à ce contraires. Si vous mandons que ces presentes vous ayez à faire lire publier & registrer en nostre ditte Cour, & es bail-

lages & Seneschauffées de nostre dit  
pays de Perigord à ce qu'aucun n'en  
pretende caule d'ignorance. MAN-  
DONS ET ENIOIGNONS  
à nostre Procureur General en nostre  
ditte Cour de faire pour l'execution de  
cesdittes presentes circonstances & de-  
pendances toutes requisitions & dil-  
ligences selon le deub de sa charge, &  
commandement au premier de nos  
Huissiers ou Sergents de faire pour la-  
ditte execution tous actes & exploits  
requis & necessairés sans pource de-  
mander placet visa ny pareatis: CAR  
tel est nostre plaisir. Donné à Mon-  
ceaux, le dixiesme iour du mois de Sep-  
tembre l'an de grace mil six cens tren-  
te quatre, & de nostre regne le vingt-  
cinqiesme.

**L** *Éues publiées & registrées, où le Procu-  
reur General du Roy, pour estre executées  
selon leur forme & teneur, & coppies d'icelles en-  
uoyées ausdits bailliages & Seneschanssés du res-*

sort de Perigord pour y estre pareillement leuës  
publiées Registrés, & enjoint aux Substituds du-  
dit Procureur General dy tenir la main & certi-  
fier la Cour de la dilligence qu'ils y auront apporté  
à quinzaine. A Poictiers és Grands Iours, le  
deuxiesme OÛtobre six cens trente quatre.

Signé,

RADIGVES.

